

十五年州縣大饑人相食

十七年正月諸鄉各起團社吞併田土民怨有謠

吾儂

生長莆山曲三尺茅簷四尺屋大男終歲食無鹽
老婦蒸藜淚盈掬阿郎辛苦學弄兵年年販鹽南
海濱擔頭有鹽兵一束羣行大隊驚四隣邇來紅
巾掠州縣沃野平民不知戰賢哉太守死作灰勇
矣林僧命如線林僧一戰功業單策馬東走來莆
山山人躑躅喜相遇邀我隣社東南旋我隣我社
輕死士苦竹長鎗兼丈五自從行劫出社來社甲
吹螺整行伍時維癸巳夏五月暘暑微民正愁絕
螺聲隱隱入郭門白旆央央下林樾饑兒寡婦常
諮諮老弱奔走趨道隅歟翻羽動天哭虎豹掉
尾何時需空城一炬灰燼後車蓋歸來仍白授阿
娘垢面迎相公西隣椎牛換新酒酒酣拍掌浩浩
歌天地雖大如吾何女兒朝餐饜梁肉走卒出市
陳干戈市人壘壘喪家狗路上相逢儘纏首儒巾
驚駭迎先鋒小兒號哭畏郎吼老翁再拜乞見憐
自從亂後無一錢舍人官買雞豕盡有田未種蠶